

## 描写雨夜伤感的古诗

1.  
困花压蕊丝丝雨，不堪只共愁人语。斗帐抱春寒，梦中何处山。卷帘风意恶，泪与残红落。羨煞是杨花，输它先到家。——徐灿《菩萨蛮·春闺》

2.  
初夏雨淋浪，檐声绕四廊。感深头易白，睡少漏偏长。红卷帘旌湿，润生衣焙香。清吟欲排闷，三叹不成章。——陆游《夜雨》

3.  
重过阊门万事非。同来何事不同归。梧桐半死清霜后，头白鸳鸯失伴飞。原上草，露初晞。旧栖新垅两依依。空床卧听南窗雨，谁复挑灯夜补衣。——贺铸《半死桐·重过阊门万事非》

4.  
窗前谁种芭蕉树，阴满中庭。阴满中庭。叶叶心心，舒卷有馀清。伤心枕上三更雨，点滴霖霖。点滴霖霖。愁损北人，不惯起来听。——李清照《添字丑奴儿·窗前谁种芭蕉树》

5.  
夜雨滴空阶，孤馆梦回，情绪萧索。一片闲愁，想丹青难貌。秋渐老、蛩声正苦，夜将阑、灯花旋落。最无端处，总把良宵，只恁孤眠却。佳人应怪我，别后寡信轻诺。记得当初，翦香云为约。甚时向、幽闺深处，按新词、流霞共酌。再同欢笑，肯把金玉珠珍博。——柳永《尾犯·夜雨滴空阶》

6.  
秋雨，秋雨，无昼无夜，滴滴霏霏。暗灯凉簟怨分离，妖姬，不胜悲。

西风稍急喧窗竹，停又续，腻脸悬双玉。几回邀约雁来时，违期，雁归，人不归。——阎选《河传·秋雨》

7.  
拥衾独宿听寒雨，声在荒庭竹树间。万里故园今夜永，遥知风雪满前山。  
。——朱熹《夜雨》

8.  
凉冷三秋夜，安闲一老翁。卧迟灯灭后，睡美雨声中。灰宿温瓶火，香添暖被笼。晓晴寒未起，霜叶满阶红。——白居易《秋雨夜眠》

9.  
残灯无焰影幢幢，此夕闻君谪九江。垂死病中惊坐起，暗风吹雨入寒窗。  
。——元稹《闻乐天授江州司马》

10.  
帘幕萧萧竹院深，客怀孤寂伴灯吟。无端一夜空阶雨，滴破思乡万里心。  
。——张咏《雨夜》

11.  
他时雨夜困移床，坐厌愁声点客肠。一听南堂新瓦响，似闻东坞小荷香。  
。——苏轼《南堂》

12.  
少年听雨歌楼上，红烛昏罗帐。壮年听雨客舟中，江阔云低、断雁叫西风。而今听雨僧庐下，鬓已星星也。悲欢离合总无情，一任阶前，点滴到天明。  
。——蒋捷《虞美人·听雨》

13.  
君问归期未有期，巴山夜雨涨秋池。何当共剪西窗烛，却话巴山夜雨时。  
。——李商隐《夜雨寄北》

14.  
世味年来薄似纱，谁令骑马客京华？小楼一夜听春雨，深巷明朝卖杏花

。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

15.

凉风急雨夜萧萧，便恐江南草木雕。自为丰年喜无寐，不关窗外有芭蕉。——曾几《夏夜闻雨》

16.

无言独上西楼，月如钩。寂寞梧桐深院锁清秋。剪不断，理还乱，是离愁。别是一般滋味在心头。——李煜《相见欢·无言独上西楼》

17.

苍生一一共胞胎，日夜无端心上来。半月骄阳四更雨，幽风夏校梦初回。——陈普《七月六日夜雨》

18.

清梦初回秋夜阑，床前耿耿一灯残。忽闻雨掠蓬窗过，犹做当时铁马看。——陆游《秋雨渐凉有怀兴元》

19.

初随林霭动，稍共夜凉分。窗迥侵灯冷，庭虚近水闻。——李商隐《微雨》

20.

槛菊愁烟兰泣露，罗幕轻寒，燕子双飞去。明月不谙离恨苦，斜光到晓穿朱户。昨夜西风凋碧树，独上高楼，望尽天涯路。欲寄彩笺兼尺素，山长水阔知何处？——晏殊《蝶恋花》

21.

得失无心总不惊，秋来偏动故乡情。平常窗外梧桐雨，不似今宵不耐听。——李祜《夜雨》

22.

春眠不觉晓，处处闻啼鸟。夜来风雨声，花落知多少。——孟浩然《春

晓》

23.

僵卧孤村不自哀，尚思为国戍轮台。夜阑卧听风吹雨，铁马冰河入梦来。  
。——陆游《十一月四日风雨大作·其二》

24.

黄梅时节家家雨，青草池塘处处蛙。有约不来过夜半，闲敲棋子落灯花。  
。——赵师秀《约客》

25.

谁念西风独自凉？萧萧黄叶闭疏窗。沉思往事立残阳。被酒莫惊春睡重，  
赌书消得泼茶香。当时只道是寻常。——纳兰性德《浣溪沙》

26.

暮雨萧条过凤城，霏霏飒飒重还轻。闻君此夜东林宿，听得荷池几番声。  
。——李端《夜雨寄卢纶》

27.

小雨夜复密，回风吹早秋。野凉侵闭户，江满带维舟。通籍恨多病，为  
郎忝薄游。天寒出巫峡，醉别仲宣楼。——杜甫《夜雨》

28.

南风吹断采莲歌，夜雨新添太液波。水殿云廊三十六，不知何处月明多。  
。——王蒙《宫词》

29.

月落天河曙，星移岁序新。忽惊佳节至，何日叙情亲？——李家荣《夜  
未怀人》

30.

连云接塞添迢递，洒幕侵灯送寂寥。一夜不眠孤客耳，主人窗外有芭蕉。  
。——杜牧《雨》

31.

凝云遮汉月不舒，微电时照东南隅。风条不动柱础湿，初夜深砌吟蝼蛄。  
。——晁补之《夏夜雨意》

32.

帘外雨潺潺，春意阑珊，罗衾不耐五更寒。梦里不知身是客，一晌贪欢。  
。——李煜《浪淘沙令·帘外雨潺潺》

33.

雨夜寒灯照鬓丝，几分憔悴几分痴？他乡信美非吾土，长忆西窗剪烛时。  
。——李家荣《雨夜》

34.

伤心枕上三更雨，点滴霖霖。点滴霖霖，愁损北人，不惯起来听！——  
李清照《添字丑奴儿·窗前谁种芭蕉树》

35.

依风急雨垫秋清，疏数无时总有声。最是可怜云裹月，几番阴翳几番明。  
。——郑清之《夜雨》

36.

夜雨滴空阶，孤馆梦回，情绪萧索。一片闲愁，想丹青难貌。秋渐老、  
蛩声正苦，夜将阑、灯花旋落。最无端处，总把良宵，只恁孤眠却。佳人应怪我，  
别后寡信轻诺。记得当初，翦香云为约。甚时向、幽闺深处，按新词、  
流霞共酌。再同欢笑，肯把金玉珠珍博。——柳永《尾犯》

37.

昨夜雨疏风骤，浓睡不消残酒，试问卷帘人，却道海棠依旧。知否，知  
否，应是绿肥红瘦。——李清照《如梦令·昨夜雨疏风骤》

38.

一声声，一更更。窗外芭蕉窗里灯，此时无限情。梦难成，恨难平。不  
道愁人不喜听，空阶滴到明。——万俟咏《长相思·雨》

39.

世事一场大梦，人生几度秋凉？夜来风叶已鸣廊。看取眉头鬓上。酒贱常愁客少，月明多被云妨。中秋谁与共孤光。把盏凄然北望。——苏轼《西江月》

40.

今朝郡斋冷，忽念山中客。涧底束荆薪，归来煮白石。欲持一瓢酒，远慰风雨夕。落叶满空山，何处寻行迹。——韦应物《寄全椒山中道士》

41.

飒飒秋雨中，浅浅石榴泻。跳波自相溅，白鹭惊复下。——王维《栾家濑》

42.

戍鼓断人行，边秋一雁声。露从今夜白，月是故乡明。有弟皆分散，无家问死生。寄书长不达，况乃未休兵。——杜甫《月夜忆舍弟》

43.

雨洗三齐中伏月，乖龙连夜起云门。溪声斗似银河落，惊断诗书一梦魂。——黄庶《和元伯中伏夜雨南洋河水泛》

44.

藩篱处处蔓牵牛，薏苡丛深稗穗抽。只道物生常茂遂，一宵风雨又成秋。——陆游《夜雨》

45.

玉炉香，红蜡泪，偏照画堂秋思。眉翠薄，鬓云残，夜长衾枕寒。梧桐树，三更雨，不道离情正苦。一叶叶，一声声，空阶滴到明。——温庭筠《更漏子·玉炉香》

46.

窗雨阻佳期，尽日颙然坐。帘外正淋漓，不觉愁如锁。梦难裁，心欲破，泪逐檐声堕。想得玉人情，也合思量我。——孙光宪《生查子·窗雨阻佳期》

47.

一片春愁待酒浇。江上舟摇，楼上帘招。秋娘渡与泰娘桥，风又飘飘，雨又萧萧。何日归家洗客袍？银字笙调，心字香烧。流光容易把人抛，红了樱桃，绿了芭蕉。——蒋捷《一剪梅·舟过吴江》

48.

玉京人去秋萧索，画檐鹊起梧桐落。欹枕悄无言，月和残梦圆。背灯唯暗泣，甚处砧声急。眉黛远山攒，芭蕉生暮寒。——耿玉真《菩萨蛮·玉京人去秋萧索》

49.

梧桐树，三更雨，不道离情正苦。一叶叶，一声声，空阶滴到明。——温庭筠《更漏子》

50.

寻寻觅觅，冷冷清清，凄凄惨惨戚戚。乍暖还寒时候，最难将息。三杯两盏淡酒，怎敌他、晚来风急？雁过也，正伤心，却是旧时相识。满地黄花堆积。憔悴损，如今有谁堪摘？守着窗儿，独自怎生得黑？梧桐更兼细雨，到黄昏、点点滴滴。这次第，怎一个愁字了得！——李清照《声声慢·寻寻觅觅》

51.

思往事，渡江干，青蛾低映越山看。共眠一舸听秋雨，小簟轻衾各自寒。——朱彝尊《桂殿秋·思往事》

52.

猛风飘电黑云生，霎霎高林簇雨声。夜久雨休风又定，断云流月却斜明。——韩偓《夏夜》

53.

芭蕉叶叶为多情，一叶才舒一叶生。自是相思抽不尽，却教风雨怨秋声。——郑板桥《咏芭蕉》

54.

秋山不可尽，秋思亦无垠。碧涧流红叶，青林点白云。凉阴一鸟下，落日乱蝉分。此夜芭蕉雨，何人枕上闻？——林逋《宿洞霄宫》

55.

帘外雨潺潺，春意阑珊。罗衾不耐五更寒。梦里不知身是客，一晌贪欢。独自莫凭栏，无限江山。别时容易见时难。流水落花春去也，天上人间。——李煜《浪淘沙令·帘外雨潺潺》

56.

微云淡河汉，疏雨滴梧桐。逐逐怀良驭，萧萧顾乐鸣。——孟浩然《句》

57.

我有所念人，隔在远远乡。我有所感事，结在深深肠。乡远去不得，无日不瞻望。肠深解不得，无夕不思量。况此残灯夜，独宿在空堂。秋天殊未晓，风雨正苍苍。不学头陀法，前心安可忘。——白居易《夜雨》

58.

我居北海君南海，寄雁传书谢不能。桃李春风一杯酒，江湖夜雨十年灯。持家但有四立壁，治病不蕲三折肱。想见读书头已白，隔溪猿哭瘴溪藤。——黄庭坚《寄黄几复》

59.

缺月挂疏桐，漏断人初静。时见幽人独往来，缥缈孤鸿影。惊起却回头，有恨无人省。拣尽寒枝不肯栖，寂寞沙洲冷。——苏轼《卜算子·黄州定慧院寓居作》

60.

落日斜，秋风冷。今夜故人来不来，教人立尽梧桐影。——吕岩《梧桐影·落日斜》

61.

黑云四盖暗山城，未冒峰头雨已行。电逐长空天地昼，雷鸣岩谷树林兵。檐前直泻无穷水，巷里时沈击柝声。夜静高楼风色定，依然星斗一江



清。——许传霏《夏夜雨坐》

62.

寒雨连江夜入吴，平明送客楚山孤。洛阳亲友如相问，一片冰心在玉壶。  
。——王昌龄《芙蓉楼送辛渐》

63.

抱影无眠坐夜阑，窗风战雨下琅玕。我将好况供陪梦，只恐灯花不耐寒。  
。——朱淑真《夜雨》

64.

一声梧叶一声秋，一点芭蕉一点愁，三更归梦三更后。落灯花棋未收，  
叹新丰逆旅淹留。枕上十年事，江南二老忧，都到心头。——徐再思《  
水仙子·夜雨》

65.

水窗低傍画栏开，枕簟萧疏玉漏催。一夜雨声凉到梦，万荷叶上送秋来。  
。——陈文述《夏日杂诗》

66.

夜雨清无寐，秋虫响易哀。庭除纷叶下，树杪自风回。戎马连城发，乡  
书隔岁裁。路难归未得，颇觉壮心摧。——王九思《夜雨》

67.

芒鞋不踏利名场，一叶轻舟寄渺茫。林下对床听夜雨，静无灯火照凄凉。  
。——苏轼《雨夜宿净行院》

68.

原上草，露初晞。旧栖新垅两依依。空床卧听南窗雨，谁复挑灯夜补衣。  
。——贺铸《半死桐·重过阆门万事》

69.

夜雨做成秋，恰上心头。教他珍重护风流。端的为谁添病也，更为谁羞。  
。密意未曾休，密愿难酬。珠帘四卷月当楼。暗忆欢期真似梦，梦也须

留。——纳兰性德《浪淘沙·夜雨做成秋》

70.

柳岸风来影渐疏，使君家似野人居。云容水态还堪赏，啸志歌怀亦自如。  
雨暗残灯棋散后，酒醒孤枕雁来初。可怜赤壁争雄渡，唯有蓑翁坐钓鱼。  
——杜牧《齐安郡晚秋》

71.

半夜思家睡里愁，雨声落落屋檐头。照泥星出依前黑，淹烂庭花不肯休。  
——王建《听雨》

72.

梧桐叶上三更雨。惊破梦魂无觅处。夜凉枕簟已知秋，更听寒蛩促机杼。  
梦中历历来时路。犹在江亭醉歌舞。尊前必有问君人，为道别来心与绪。  
——苏轼《木兰花令·梧桐叶上三更雨》

73.

好雨知时节，当春乃发生。随风潜入夜，润物细无声。野径云俱黑，江  
船火独明。晓看红湿处，花重锦官城。——杜甫《春夜喜雨》

74.

早蛩啼复歇，残灯灭又明。隔窗知夜雨，芭蕉先有声。——白居易《夜  
雨》

本文链接：<https://duanjuziku.com/duanjuzi/jxsauzn0cl.html>